

# ТОШКЕНТ ОҚШОМИ

Газета 1966 йил 1 июлдан чиқа бошлаган

ШАҲАР ИЖТИМОЙ-СИЁСІЙ КУНДАЛИК ГАЗЕТАСИ

№ 236 (12.047)

Баҳоси эркин нарҳда

## ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИНИНГ ЕТТИНЧИ ЯЛПИ МАЖЛИСИ ТЎҒРИСИДА АХБОРОТ

2011 йил 6 декабрда Тошкент шаҳрида Ўзбекистон Республикаси Олий Мажлиси Сенатининг еттинчи ялпи мажлиси ўз ишони давом эттирди.

Сенаторлар ялпи мажлисининг иккинчи кунини 2012 йилги солиқ сиёсати концепциясига мувофиқ тайёрланган «Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида»ги Ўзбекистон Республикаси Қонунини кўриб чиқишдан бошлади. Қонун билан Ўзбекистон Республикасининг Маъмурий жавобгарлик тўғрисидаги, Фуқаролик, Уй-жой, Солиқ кодексларига ўзгартиш ва қўшимчалар киритилди. Бу ўзгартиш ва қўшимчалар кўчмас мулкни ижарага берувчилар ва ижарага олувчиларнинг ҳуқуқларини ҳимоя қилишга, солиқларни тўлаш тартибини ҳамда солиқ маъмуриятчилиги тартиб-таомилларини соддалаштиришга, шунингдек, солиқ тўловчилар ва солиқ органларининг чикимларини камайтиришга ёрдам беради.

Шундан кейин сенаторлар Ўзбекистон Республикасининг бир қатор халқаро шартномаларини кўриб чиқиб, маъқулладилар.

«Халқаро электр алоқаси иттифоқининг 2006 йилги (Антарктия) ва 2010 йилги (Гвадалахара) Ваколатли конференциялари томонидан Халқаро электр алоқаси иттифоқининг Устави ва Конвенциясига доир қабул қилинган Тузагиш ҳужжатларини ратификация қилиш тўғрисида»ги Ўзбекистон Республикаси Қонунини шулар жумласидандир. Ушбу ҳужжатни қабул қилишдан мақсад Халқаро электр алоқаси иттифоқининг 2006 ва 2010 йилги Ваколатли конференциялари яқунлари бўйича имзоланган ва Халқаро электр алоқаси иттифоқининг (ХЭАИ) Устави ва Конвенциясига Тузатиш ҳужжатларини ўз ичига оладиган Яқунловчи ҳужжатларини ратификация қилишдан иборат.

Юқорида кўрсатилган ҳужжатларнинг ратификация қилиниши алоқа ва ахборотлаштириш соҳасидаги стандартлаштириш бўйича халқаро фаолиятда Ўзбекистон Республикасининг фаол қатнашишини таъминлайди, мамлакатимизнинг маълумотлар узатиш соҳасидаги энг янги ахборот-коммуникация ишланмаларидан баҳраманд бўлиш имконини кенгайтиради, шунингдек, тармоқ мутахассисларининг профессионал савиясини ошириш масалалари бўйича халқаро тажрибани ўзаро фойдаланиш имконини амалга оширишга имкон беради.

«Жиноий даромадларни легаллаштиришга ва терроризмни молиялаштиришга қарши курашиш бўйича Евроосиё гуруҳи тўғрисидаги Битимни (Москва, 2011 йил 16 июнь) ратификация қилиш ҳақида»ги Ўзбекистон Республикаси Қонунини ҳар томонлама муҳокама қилинган, маъқулланди. Битим Жиноий даромадларни легаллаштиришга ва терроризмни молиялаштиришга қарши курашиш бўйича Евроосиё гуруҳи (ЕОҒ)нинг асосий мақсадлари ҳамда вазибаларини белгилаб беради, унинг устав органларини ҳамда ЕОҒга аъзо бўлиш шартларини аниқлаштиради, шунингдек, ташкилот фаолиятини молиялаш механизmlарини конкретлаштиради.

Сенаторлар ушбу ҳужжатни муҳокама қилиш вақтида Ўзбекистон Республикасининг ЕОҒ фаолиятида иштирок этиши жиноий даромадларни легаллаштиришга (тозалаб олишга) ва терроризмни молиялашга қарши курашиш соҳасида Жиноий даромадларни легаллаштиришга қарши курашишда молиявий чораларни ишлаб чиқувчи гуруҳ (ФАТФ), Халқаро валюта фонди (ХВФ), Жаҳон банки ва бошқа халқаро молия ташкилотлари билан конструктив ҳамкорликни ривожлантиришга ёрдам беришини кўрсатиб ўтдилар.

Сенаторлар «Шанхай ҳамкорлик ташкилотининг Терроризмга қарши конвенциясини (Екатеринбург, 2009 йил 16 июнь) ратификация қилиш тўғрисида»ги Ўзбекистон Республикаси Қонунини ҳам кўриб чиқиб, маъқулладилар.

Ялпи мажлисда Ўзбекистон Республикаси Вазирлар Маҳкамаси томонидан киритилган Самарқанд вилоятининг Самарқанд шаҳри, Оқдарё ва Самарқанд туманлари чегараларини ўзгартириш тўғрисидаги таклиф кўриб чиқилди. Самарқанд вилоятининг маъмурий-ҳудудий бўлинишини такомиллаштиришга қаратилган ушбу ташаббуснинг маъқулланиши минтақани ижтимоий-иқтисодий жиҳатдан янада ривожлантиришга, аҳоли турмуш шароитларини яхшилашга, шахарсозлик ва режалаштириш ишлари самардорлигини оширишга, коммуникация тизимларини, газ ва сув таъминоти тармоқларини, энергия билан таъминлашни ривожлантиришга, ҳудудларни ободонлаштириш ва кўкаламзорлаштириш ишларини марказлаштиришга, мазкур ҳудудий бирликларни бошқариш самардорлигини оширишга ёрдам бериши кўрсатиб ўтилди.

Конституция нормаларига мувофиқ ва Ўзбекистон Республикаси Президенти Ислоом Каримовнинг Ўзбекистон Республикаси Олий Мажлиси палаталарининг 2010 йил 12 ноябрдаги қўшма мажлисидаги маърузасида баён этилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида белгиланган давлат ҳокимияти ва бошқаруви органлари фаолияти устидан парламент назоратини кучайтиришга доир қоидаларни амалга ошириш доирасида, шунингдек, ҳуқуқ ижодкорлиги фаолиятини ва ҳуқуқни қўллаш амалиёти самардорлигини ошириш мақсадида Олий Мажлис Сенатининг мажлисида бир қатор вазирилик ва идоралар раҳбарларининг тегишли тармоқларда қонун ҳужжатлари талабларини бажаришининг бориши тўғрисидаги Олий Мажлис Сенатининг мажлисида сўровларини ижро этиш юзасидан тайёрланган ахбороти тингланди.

Чунинчи, сенаторлар Ўзбекистон Республикаси Давлат солиқ қўмитасининг «Хўжалик юритувчи субъектлар фаолиятини давлат томонидан назорат қилиш тўғрисида»ги Ўзбекистон Республикаси Қонунининг Фарғона вилояти солиқ органлари томонидан бажарилиши ҳақидаги ахборотини тингладилар ва муҳокама қилдилар.

(Давоми 2-бетда)

## ПОЙТАХТНИНГ БИР КУНИ



2011 йил — Кичик бизнес ва хусусий тадбиркорлик йили

### МУВАФФАҚИЯТЛАРГА ОМИЛ БЎЛМОҚДА

Кичик бизнес ва хусусий тадбиркорлик ривожига қаратилган катта эътибор, соҳа ходимларини ҳар томонлама қўллаб-қувватлаш мамлакатимизда ўз самарасини кўрсатмоқда. Маҳаллий корхоналарда замонавий технологиялар асосида тайёрланаётган импорт ўрнини босувчи, четдан келтирилган маҳсулотлар билан бемалол рақобатлаша оладиган сифатли товарлар ишлаб чиқарилаётганлиги, уларнинг ташқи бозорда ҳам қаридорини топаётгани бунга яққол исботлаб турибди.

Пойтахтимизда ҳам ана шундай изланишлари самара бераётган, хорижий технологик линиялар қувватидан унумли фойдаланиб, рақобатбардош маҳсулотларини харидорларга манзур этаётган корхоналар кўпчилиги ташкил этилди. Улар орасида «ASN Techno» масъулияти чекланган жамиятининг ўз ўрни бор.

Бундан бир неча йил аввал хусусий тадбиркор «Назирова А.З» номи билан иш бошлаган жамоада 7 нафар ишчи меҳнат қилиб, асосан таъмирланган эски дастоҳлардан фойдаланиш билан маҳсулот турлари ҳам бир нечтани ташкил этарди. Лекин имкониятлардан оқилона фойдаланган тадбиркор Анвар Назиров ўз мақсади йўлида изланишдан чарчамади. Корхонани кенгайтириб, янги лойиҳаларни амалга ошириш ниятида замонавий технологик линиялар келтириб ўрнатди. Натижада маҳсулот турлари ҳам кўпайди, сифати ортди, бюртмачилар сафи эса йил сайин кенгайиб борди. Албатта, қўшимча иш ўринлари яратишга ҳам эътибор қаратилди.

Бундан кунга келиб, корхонада 150 турдаги маҳсулот бюртмачиларга етказиб берилаётгани изланишларнинг, тадбиркорлик билан иш юритишнинг ёрқин далолатидир. Айни пайтда жамоа республикамизда маиший ва савдо музлаттич жиҳозлари етказиб берувчи етакчи корхоналардан саналади. Маҳаллий хом ашёдан самарали фойдаланиш, ишлаб чиқаришни модернизациялаш, техника ва технологик жиҳозлаш ишларининг режа асосида олиб борилиши муваффақиятларга гаров бўлмоқда. Рақамларга мурожаат этадиган бўлсак, жорий йилнинг ўтган 9 ойида истеъмолчиларга 3 миллиард 291 миллион сўмлик маҳсулот етказиб берилди. Бу эса ўтган йилнинг шу даври билан солиштирилганда 1,2 баравар кўпдир.

Шунингдек, корхонада ишлаб чиқариш маблағларини камайтириш, тежамкорлигига эътибор қаратишга аҳамият берилаётган

ни маҳсулот таннархи арзонлашувида муҳим ўрин тутмоқда. Шунини алоҳида таъкидлаш лозимки, корхона маҳсулотларининг харидорлари орасида юртимизда фаолият кўрсатаётган юзлаб супермаркетлар бор. Энг асосийси эса бюртмачи талаби асосида корхона дизайнерлари маҳсулот кўринишини яратишда, қандай хонда жойлаштиришни ҳам эътиборга олиб ҳажмини белгилайди.

Айтиш жоизки, юртимизда тадбиркорлар учун яратилган имкониятлардан ҳар томонлама фойдаланиш жамоа аҳли ютуқлари салмоғини оширмоқда, янги лойиҳаларни татбиқ этишларида мадад бўлмоқда.

— Корхонамиз кўп йиллардан буён «Трастбанк» ХОАББ билан ҳамкорлик қилиб, унинг молиявий кўмагидан унумли фойдаланмоқда, — дейди корхона раҳбари Анвар Назиров. — «ASN» савдо белгиси билан ишлаб чиқарилаётган маҳсулотларимиз тури ва сифати орттиришда, ишлаб чиқаришни кенгайтириб, ўз нуфузимизни оширишда, қўшимча ишчи ўринлари яратишида ушбу маддадининг ҳиссаси катта. Банкининг имтиёзли кредитлари асосида савдо ва оватланиш тизими, супермаркетлар учун тайёрлаётган саноат музлаттичларимизнинг рақобатбардошлиги ортмоқда. Музлаттичларимизнинг 20 йиллигини жамоамиз тадбиркорлари янги турдаги саноат музлаттичлари тайёрлаш билан кутиб олди. Хали олдинда қилинажак ишларимиз жуда кўп. Энг асосийси эса мамлакатимиз иқтисодиёти ривожига ўзимизнинг муносиб ҳиссамизни қўшаётганимиздир.

Ҳозирда тадбиркорлар яна бир янги лойиҳа устида иш олиб боришмоқда. Мазкур лойиҳа амалга ошиши натижаида импорт ўрнини босувчи янги турдаги маҳсулот истеъмолчиларга етказиб берилади ва 15 нафар киши иш билан таъминланади.

Шарифа ИЛЁСОВА  
Козим Улмасов олган сурат

## XXI сadosи

аср  
БАРЧА МАНБАЛАРДАН  
ОЛИНГАН СЎНГИ ХАБАРЛАР

### МАМЛАКАТИМИЗДА

● Қорақалпоғистондаги Бердақ номи мусиқали театрда Ўзбекистон Республикаси Конституциясининг 19 йиллигига бағишланган «Ўзбекистон — умумий уйимиз» республика фестивалининг минтақавий босқичи бўлиб ўтди. Ушбу дўстлик ва ҳамжихатлик байрамида минтақада фаолият кўрсатган миллий-маданий марказларнинг вакиллари иштирок этишди. Улар театр фойесида халқ амалий санъати, расм ва суратлар кўргазмасини ташкил этишди, шунингдек, турли халқларнинг фольклор санъати намойиш этилган катта байрам концерти уюштирилди.

● Андижон шаҳридаги Ёшлар марказида бўлиб ўтган «Йил аёли — 2011» республика кўрик-танловининг вилоят босқичида 17 нафар хотин-қиз иштирок этди. Фолиб ва фаол иштирокчиларга диплом ва эсдалик совғалари ҳамда «Микрокредитбанк»нинг имтиёзли кредитлар тақдим этиш ҳақидаги сертификатлари топширилди.

● Бухоро шаҳридаги тўқимачилик маҳсулотлари ишлаб чиқаришга ихтисослаштирилган «Касатка» масъулияти чекланган жамияти экспортчи корхоналар қаторидан ўрин олди. Зеро, бу ерда тайёрланган 20 минг АҚШ долларлик ишчи коржомалари илк бор хорижий бюртмачиларга етказиб берилди. Бундан ташқари яна 30 минг АҚШ долларлик кийим-кечаклар экспортга жўнатишга тахт қилиб қўйилди.

● Қорақалпоғистон Республикасининг Чимбой туманида «Микрокредитбанк» филиали очилди. Мазкур банк филиали Чимбой, Қораўзак, Кегейли, Тахтақўпир туманларидаги аҳоли ва хўжалик юритувчи тадбиркорлик субъектларига микромолиявий хизматлар билан биргаликда барча турдаги замонавий банк хизматларини кўрсатади.

● Тошкентда «Молиялаштириш жараёнини автоматлаштириш орқали қайта инжиниринглаш, скоринг ва кредит бюрлари» мавзуида семинар-анжуман бўлиб ўтди. Мазкур тадбир Халқаро молия корпорацияси, «SAIPRO» ахборот рейтинг агентлиги ва Ўзбекистон Республикаси Марказий банки ҳамкорлигида ташкил этилди.

### ЖАҲОНДА

● Венесуэла президенти Уго Чавес бир баррел нефть нархи 120 доллардан ошиб кетмаслиги учун ўз мамлақати барча имкониятларни ишга солишини маълум қилди.

● Греция 2012 йилга давлат бюджетини қабул қилди.

● Нью-Йорк хом ашё биржасида бўлиб ўтган навбатдаги савдолар чоғида WTI русумли нефтнинг нархи 0,29 центга ошиб, бир баррели 101,28 АҚШ долларини ташкил этди. Лондонда ўтказилган савдоларда эса Brent русумли нефтнинг нархи 1,00 АҚШ долларга кўтарилиб, бир баррели 110,81 АҚШ долларидан иборат бўлди.

● Кеча Россия Сербияга Косово серблари учун навбатдаги инсонпарварлик ёрданини юборди.

● Плутон сайёраси йўлдошлари атрофида йиғилиб қолган астероидларнинг йирик ва кичик парчалари мазкур сайёрани 2015 йилнинг июлида кесиб ўтадиган НАСАнинг «New Horizons» планеталаро зондини фаолокатга учратиши мумкин. Зеро, астрофизикларнинг таъкидлашларича, Плутон сайёраси ва унинг Харун, Некта ва Гидра каби йўлдошларини тадқиқ қилиш учун 2006 йил 19 январда парвоз қилган зонднинг коинотдаги чиқиндилар билан тўқнашиб кетиш хавфи бор.

● Россиянинг энг машҳур олий ўқув юртларидан бири Воронеж университети ертўласини таъмирлаш пайтида XVI асрга оид илмий кутубхонага дуч келишди. Унда мамлакат тарихига оид кўплаб қимматли дурдоналар қатори лотин тилидаги, эски француз ва немис тилларидаги асарлар ҳам бор. Ажабланарли томони шундаки, ушбу муассасанинг мавжудлиги бирор бир манбада кўрсатилмаган.

## ҚИСКА САТРАРДА

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **ТОШКЕНТ** Давлат техника университети қошидаги 5-академик лицейда Конституциямиз қабул қилинганлигининг 19 йиллигига бағишланган «Конституция — бахтимиз пойдевори» мавзуида тадбир ташкил қилинди.

✓ **МИЛЛИЙ** матбуот марказида «Ички ишлар ходимлари — инсон ҳуқуқлари ҳимоясида» мавзуида матбуот анжумани бўлиб ўтди.


✓ **ТАТУ** қошидаги 2-сонли академик лицейда «Хуқуқий маданият — янада ошириш ва юксалтириш» мавзуида кувноқлар ва зукколар баҳси ўтказилди.








# O'ZSANOATQURILISHBANK



**«ЎЗСАНОАТҚУРИЛИШБАНК» ОАТБ  
жамоаси барча юртдошларимизни  
8 декабрь — Ўзбекистон Республикаси  
Конституциясининг 19 йиллиги байрами  
билан табриклайди!**



**Вақт давомида синалган ишонч!**


[www.uzpsb.uz](http://www.uzpsb.uz)

**«Ўзсаноатқурилишбанк» ОАТБ Сиз азиз юртдошларга қуйидаги қулай шартлар билан юқори даромадли депозитларни таклиф этади.**

Миллий валютадаги омонатлар	Сақлаш муддати	Омонатлар миқдори	ИЗОҲ
Болаларнинг мақсадли омонати	10 йил	чекланмаган	Имтиёзли таълим кредити берилди
"Лидер"	6 ой	чекланмаган	Қўшимча нақд пул маблағи қабул қилинади
Коммунал хизматлари тўловига	2 йил	чекланмаган	Нақд пулсиз коммунал тўловларига ўтказилади
Мадад-4	9 ой	чекланмаган	Омонатнинг муддати тугагандан сўнг бонус тўланади
Баркамол-1	3 ой	чекланмаган	
Ҳамкорлик	12 ой	чекланмаган	
<b>Хорижий валютадаги омонатлар</b>			
Манфаат-2	7 ой	чекланмаган	Фоизлар омонатлар муддати тугагандан сўнг Ўз.Республикаси Марказий банки курси бўйича тўланади.
"Истиқлол-2"	3 ой	чекланмаган	

**«Ўзсаноатқурилишбанк» ОАТБ ўз мижозларига омонатларни фоиз даромадлари билан бирга, тўлиқ қайтариб берилишини кафолатлайди.**  
**«Ўзсаноатқурилишбанк» ОАТБда сақланаётган аҳоли омонатлари «Фуқароларнинг банклардаги омонатларини кафолатлаш фонди» томонида кафолатланган.**

Хизматлар лицензияланган



## МАШРИҚЗАМИН — ҲИКМАТ БЎСТОНИ

**ШАРҚ ҲИКОЯТ  
ВА РИВОЯТЛАРИ**

Савдогарлар биринчи марта бозорга тамаки олиб келишганида бир донишманд одамларга қарата:

— Тамаки соғлиқ учун кони зарар — чека кўрманг, — деган экан, ҳеч ким қайрилиб қарамай тамакининг бозори касод бўлибди. Бундан норози бўлган савдогарлар донишманднинг хузурига бориб, ўз фикрини ўзгартиришини илтимос қилишибди. Шунда донишманд одамлар олдида чиқиб:

— Халойиқ! Тамаки чекканларни ит қопмайди, уларнинг уйига ўғри тушмайди, кашанда сира қаримайди, — дебди.

Одамлар ҳайрон бўлиб сўрашибди:

— Бу қанақаси? Аввал тамаки кони зарар — зинҳор чека кўрманг! — деб огоҳлантирган эдингиз. Энди бунинг аксини айтаяпсиз.

Донишманд ўз фикрларини шундай изоҳлабди:

— Тамаки чеккан киши ҳассага таяниб қолади — ҳассалик кишига ит яқинлашмайди. Кашанда чун билан йўталиб чиқади — уй эгаси ухламаган экан, деб ўғрилари қайтиб кетади. Чекувчи кишига кўпинча бахтли кексалик гаштини суриш насиб этмайди — у ёш ўлиб кетади.

\*\*\*

Бир одамнинг бир неча соғин қўйи бор эди. У сутга сув қўшиб, бозорга олиб чиқиб сотарди. Бундан хабар топган чўпон бир куни хўжайинини огоҳлантирди:

— Бундай қилманг, оқибати ёмон бўлади.

Лекин у қулоқ солмади — сутга сув қўшиб сотаверди.

Бир куни қўйлар тоғ ёнбағрида ўтлаб юрадидилар. Бирдан довул кўтарилди, жала қўйди. Тоғдан сел келиб, қўйларни оқизиб кетди. Кечкурун қишлоққа чўпоннинг бир ўзи қайтиб келди.

— Қўйлар қани? — сўради хўжайин.

— Сутига сен қўшган сувлар бир-бирига қўшилиб, селга айланди ва қўйларнинг оқизиб кетди, — жавоб қилди чўпон.

\*\*\*

Бир кишининг улғайиб ҳам бирор ишнинг бошини тутмаган эрка ўғли бор экан. Боши ёстиққа етганда сўнгги тилагини изҳор этибди:

— Ўғлимнинг меҳнат қилиб пул топганини кўрсам, армонсиз кўз юмардим.

Бу гапни эшитган онаси эркатойини четга чақириб, чўнтагига пул солибди.

— Борақол, ўғлим, кўчада ўртоқларинг билан ўйна-да, кеч киргач, отангга ўзим ишлаб топдим, деб шу пуллари келтириб бер.

Ўғил онаси айтгандай қилибди. Ота эса пулни олибди-ю юзига ҳам қарамай, ёниб турган ўчоққа отибди.

Ўғли индамай кулганича чиқиб кетибди.

Эртасига ҳам шу ҳол такрорланибди.

Учинчи куни она дебди:

— Отанг алдаганимизни сезди, болам. Энди ўзинг ишлаб пул топиб келмасанг бўлмайди.

Ўғил кун бўйи бировларнинг эшигига сув ташиб, ўтин ёриб, арзиманган уч-тўрт танга ишлабди. Отасининг қўлига олиб келиб берибди:

— Мана, ота, буни ўзим ишлаб топдим, — деса-да, чол пулнинг юзига қарамай яна ўчоққа отибди.

— Хой, нима қияпсиз?! Ахир, мен бу пулни топиш учун кун бўйи тинмай ишладим-а! — деб ўғил шоша-пиша қўлини ёниб турган оловга тикиб, пуллари олибди. Ота мамнун жилмайиб дебди:

— Ана энди бу пулни ўзинг ишлаб топганига ишондим, болам.

Эргаш ОЧИЛОВ

тайёрлаган

(Давоми бор)

### «ТОШКЕНТ ОҚШОМИ» ва «ВЕЧЕРНИЙ ТАШКЕНТ»

Эълонлар шанба ва якшанбадан ташқари ҳар куни соат 9.00 дан 16.00 гача қабул қилинади. Маълумотлар учун телефон: 233-28-95. Факс: (3712) 233-21-56. Манзилимиз: Матбуотчилар кўчаси, 32-уй, 2-қават, 223-хона.

Чилонзор туманидаги Г 9-мавзе, 2-уй, 8-хона манзили бўйича тадбиркорлик субъектларини давлат рўйхатидан ўтказиш инспекцияси томонидан 2011 йил 3 мартда «Кўзиева М. Ф.» ХКга берилган реестр рақами №: 0807095 бўлган, №: 08-05852 рақамли гувоҳнома йўқолганлиги сабабли **БЕКОР ҚИЛИНАДИ**



Тошкент шаҳрида 8 декабрь куни ҳаво ўзгариб туради, ёғингарчилик бўлмайди. Эрталаб (соат 11 да) ва кечки томон (соат 17 дан кейин) туман тушиши мумкин. Шарқдан секундига 3-8 метр тезликда

шамол эсади. Ҳарорат кечаси — 2-4 даража совуқ, кундузи — 2-4 даража илқ бўлади. Узгидрометнинг мониторинг хизмати маълумотига кўра, 8 декабрда Тошкент шаҳри об-ҳаво шароити шаҳар ҳаво муҳитида зарари моддаларнинг бироз йиғилишига имконият яратди. Атмосферанинг ифлосланиш даражаси 1-3 фозс қўлайиши тахмин қилинмоқда, тағмиқдори паст бўлади.



МУАССИС: ТОШКЕНТ ШАҲАР  
ҲОКИМЛИГИ

Бош муҳаррир  
Акмал АКРОМОВ

Манзилимиз: 100029,  
Тошкент шаҳри,  
Матбуотчилар кўчаси, 32

ТЕЛЕФОНЛАР:

Эълонлар: 233-28-95,  
236-57-65. факс: (371) 232-11-39.

Душанба, сешанба, чоршанба, пайшанба  
ва жума кунлари чиқади.

Нашр кўрсаткичи — 563

ISSN 2010-9229

2007 йил 19 январда  
Тошкент шаҳар  
Матбуот ва ахборот  
бошқармасида 02-1-рақам  
билан рўйхатга олинган.

Ҳажми — 2 босма табоқ,  
офсет усулида босилди.  
274 нускада босилди.  
Қоғоз битими А-2

Нашрни отказиб бериш масалалари бўйича турар жойлардаги почта бўлимига ёки «Тошкент почтаменти»га — 233-74-05 телефонига мурожаат қилишингиз мумкин.

Газета таҳририят компьютер  
марказида терилди ва саҳифаланди.

Нашр учун масъул  
Д. Исроилов

«Шарқ» нашрийт-матбос акциядорлик компанияси  
босмахонаси. Корхона манзили: Буюк Турон кўчаси, 41-уй.